

ՎԵՐԸՆԹԱՑԻ ՊԱՐԵՐ

Թեկուզե զուտ այն պատճառով, որ «բնազմացական Յայսատանը» արդեն գեղարվեստի խոշոր փաստ է դարձել նկարիչ Յակոբ Յակոբյանի ողջ գործով, Յենրիկ Սիրավյանը պետք է դավաներ այլ Յայսատան՝ «իրական առարկաների հետ մարդկանց հոյակապ մտերմության» երկիրը, և ես էլ շատ էի ուզենալու Յակոբի և ին ընկերոջ նկարների շքերթը այդպես տեսնել և նրանց ցուցահանդեսը գլխագործ այդպես՝ Դու հավերժող իմ Յայսատան, անուն քաղցր ու վսեմ:

Ամեն բնազմացականից մեր աներկրա խորշանքի և իրական երկրի հետ մեր հոյակապ մտերմության մասին երկու դիտումն ել Օսիպ Մանդելշտամի «ճամփորդություն դեպի Յայսատան» գրքից են. իր անձի, գործի, երկրի ու ժամանակի մղջավանջը խուսանաված՝ նա այստեղ հիանում էր մարդկանցով, որոնց համար լոլիկը դեռ լոլիկ ու քարը միայն քար էր, հիանում էր երկրով, որ երկրագընդի ժամանակից իրեն դուրս էր դրել և այս հավերժական արևի տակ կար որպես բիբլիական ժամանակներում. լեզու չգիտեր և ուրախությամբ էր անգիտանում մեր հոգիներում ուրծացող խօսվքին՝ որ ի վերջո վերաճելու էր փլուզման. ուզում էր երեսնականների այս կործանվող իր աշխարհում ունեցած լինել կայուն մի կայմ յիրական առարկաների հետ մարդկանց հոյակապ մտերմությունը:

Յար և շատ նման մի անգիտություն էլ Յենրիկ Սիրավյանն է, դիտումնավոր ու միտումնավոր, իրեն վերապահել: Վերապահել է լինելով այստեղացի, բնիկ բնիկ, վերապահել է՝ հունցված ու թրծված լինելով այս երկրի զանգվածից, վերուվարումների գծերից, խոսքի, մեղեռու, պատումի ելեւչից: Չի ուզում, չի ընդունում, մերժում է այս համընդհանուր խուճապը, որ եթե նահանջ է՝ ինքը վերջապահ է մնալու, իսկ եթե այսուամենայնիվ շարժում ու առաջընթաց է՝ ինքը նախնու կողքին է լինելու և նրա հետ՝ առաջապահ: Չի ընդունում այսօրվա այս կույր ուխտագնացությունը առ ոտոս զորաց՝ որ վհատների ու թերիների ճանապարհն է:

Յայրենիքի որդու հոլյդ կարևոր, հայեցակետային նշանակության իր այս կեցվածքին նեցուկ էր լինելու բնորդը, որի խիստ ընտրությունը հատկապես մատնանշում է ցուցահանդեսը.- Վիլյամ Սարոյան, դարձյալ Սարոյան, Փարաջանով, դարձյալ Փարաջանով և կրկին Փարաջանով՝ իր թատերասայաբնովյան գեղուիկների մեջ՝ որ իր արգասիքն են ու իր գովքին են բոլորվել, Ընկերները, Ընտանիքը, Թուփը, Ծիրանին, Թուփը, Ժայռը... որոնք մի անուն են պահանջում Յաղողներս: Կամ՝ Անընկելիներս: Կամ՝ Ես կամ ու կլինեմ:

Բայց... Նրանք հատկապես են հաղթող: Ծիրանին հատկապես է պոռթկունորեն ծաղկած, ժայռը հատկապես է անձեռակերտորեն վեհապանծ, ծառը հատուկ միտումով է այդքան խորհրդավոր ու գեղեցիկ, Սևանը հատկապես է գեղածիծաղ:

Եվ այդ «հատկապես»-ությունը, այդ ցուցադիր գեղեցկությունը, միտումնավոր վեհապանծությունը ընդգծված մի բան են նշում - նշում են, որ մեր ընկերոց հոգում և բուն իսկ բնորդների ներսում մի բան այնքան էլ այդպես չէ:

Չգիտեմ ինչպես, ես հանկարծ նկատեցի, որ այդ ժայռերը՝ որ իհարկե հավերժի ժայռներն են, Սարոյան ասված այդ մեծ դերվիշը այս արևի տակ իհարկե դեռ շատ ճանապարհներ է անցնելու իր ոտքերի տակով, այդ կենդանի Փարաջանովը մինչև կուռք դառնալը դեռ, իհարկե, երկար է խաղալու իր երկրային ժամանակը, այդ ծիրանին... բայց դրանք 1993-ի ժայռ, Սարոյան, Փարաջանով ու ծիրանի են: 93-ի են ոչ թե այն պատճառով, որ 93-ին կամ քիչ ավելի վաղ են նկարվել, ոչ թե այն պատճառով, որ ցուցադրված են 93-ի երևանյան շոգ տաղավարում, այլ 93-ի են և վերջ, 1973-ին նրանք այսպիսին չեն կարող և 2093-ին այսպես չեն լինելու:

Նշանակում է՝ ծանր, անտես մի իրողության բախվել ու բեկվել է նաև մեր ընկերը, ինչը որ նրա կտուավաշարը դարձնում է այր մարդու ողբ առ տագնապող, տառապող, մաքառող, հեռացող բնությունն ու հեռացող մարդիկ: Նշանակում է՝ այդ ծաղկումը, այդ քարե խոյանքը, մարդկանց այդ վեհությունը իրենց վերջին ծիչն են ճշում իրենց մտերմի առաջ:

Ահա չկարողացանք շրջանցել Սարյան մեծ մտածողին. ասուն էր՝ Վերածննդի մեծերը աշխարհի իրենց գյուտի ուրախությունն էնի ապրում, մենք կորցնելու երկյուղից ենք սիրում նույն այդ աշխարհը:

Նշանակում է՝ կործանումի այս տագնապը նոր չէ ու անտեղի չէ, մեր մեծերից զատ և ուրիշ մեծերի է ներառել իր ոլորտները, և նրանցից ոմանք, ողջ ճակատագրայնությամբ ըմբռնելով հանդերձ փլուզման ահօելիությունը, այնուամենայնիվ մարգարեացել են, թե մարդը դիմանալու ու դիմակայելու է իր և բնության մեծ կործանումը:

Եվ որպեսզի դիմանա ու դիմակայի, նրանք կայունացրել են նրա վերընթացի պահերը՝ չուրանալով նրա անկման երկար ժամերը, այց են տվել նրա գեղեցկության ժամին՝ լավատեղյակ լինելով նրա քայլայնան երկար օրերին...

Ավելորդ է վերջաբանել, թե գեղանկարիչ Յենիկ Սիրավյանը մերօրյա վկան է մարդու և բնության այդ պահերի: